

**NË EMËR TË POPULLIT**

**GJYKATA THEMELORE NË GJILAN - Departamenti i Përgjithshëm - Divizioni Penal**, përmes gjyqtarës së vetme gjykuese Snezhana Mihajloviq, me sekretaren juridike Suzana Kovaçeviq, në lëndën penale kundër të akuzuarit N.S. nga fsh. ..., kom. ..., për shkak të veprës penale vjedhja e shërbimeve komunale nga neni 320 lidhur me nenin 81 KPRK, sipas aktakuzës së Prokurorisë Themelore në Gjilan, PP.II.nr.170/18 të datës 05.02.2018, pas mbajtjes së shqyrtimit gjyqësor më dt. 18.04.2018, në prezencë të palëve publikisht shpalli

**A K T G J Y K I M**

I pandehuri N.S. nga babai H. dhe nëna Xh. – K., i lindur më dt. ... në fsh. ..., kom. ..., jeton në fsh. ..., kom. ..., i martuar, baba i pesë fëmijëve, i arsimuar, ka të kryer shkollën fillore, pensionist – merr pension prej 75 €, i gjendjes së dobët ekonomike, i pagjykuar, nuk zhvillohet procedurë për vepër tjetër penale, shqiptar, shtetas i Republikës së Kosovës

**Ë S H T Ë F A J T O R**

Sepse prej datës së pavërtetuar e deri më dt. 11.12.2017, në kohë të pa përcaktuar në fsh. ..., kom. ..., shtëpinë e tij në mënyrë të vazhdueshme dhe të paautorizuar ka përfitur nga shërbimi komunal – rrjeti i shpërndarjes së rrymës elektrike KEDS, në atë mënyrë që pasi është ç'kyçur nga rrjeti është lidhur direkt në rrjet pa njehsor elektrik, kështu që energjia e shpenzuar nuk është regjistruar, e në këtë mënyrë të dëmtuarës KEDS - Distrikti në Gjilan i ka shkaktuar dëm në shumë prej 199.00 €.

- me çka ka kryer veprën penale vjedhja e shërbimeve komunale nga neni 320 lidhur me nenin 81 KPRK.

Andaj, gjykata duke u bazuar në dispozitat e nenit 4, 7, 41, 42, 45, 46, 47, 50, 51, 52, 73, 74, 75 dhe 76 KPRK si dhe 365 KPPK të pandehurin

**E G J Y K O N**

**I. ME DËNIM KUMULATIV** ashtu që të pandehurit i shqipton dënimin me gjobë në shumë prej 100 (njëqind) të cilin dënim është i obliguar ta paguaj pas plotfuqishmërisë së Aktgjykimit, në të kundërtën i njëjti ka për t'u zëvendësuar me dënim burgu, ashtu që për një ditë burgu do të llogariten 20 €.

**II.** Të pandehurit i shqiptohet dënimi me kusht - me burgim në kohëzgjatje prej 3(tre) muajve i cili dënim nuk do të ekzekutohet nëse i pandehuri brenda periudhës kohore prej 1(një) viti, nuk kryen tjetër vepër penale, në të kundërtën dënimi me kusht do të revokohet.

**III.** E dëmtuara KEDS për realizimin e kërkesës pronësore-juridike udhëzohet në kontestin civil.

**IV.** Obligohet i pandehuri që në emër të paushallit të paguaj shumën prej 20 € si dhe shpenzimet e procedurës penale sipas llogarisë përfundimtare të gjykatës, të gjitha këto në afat prej 15 ditësh, nga dita e plotfuqishmërisë së Aktgjykimit.

## **A r s y e t i m**

*Prokuroria Themelore në Gjilan ka ngritë aktakuzën penale kundër të akuzuarit të N.S. nga fsh. ..., kom. ..., për shkak të veprës penale vjedhja e shërbimeve komunale nga neni 320 lidhur me nenin 81 KPRK, duke propozuar që gjykata të njëjtin ta shpall fajtor dhe ta ndëshkoj sipas Ligjit.*

*Gjatë seancës fillestare të mbajtur më dt. 18.04.2018 në të cilën është lexuar aktakuza e Prokurorisë së shtetit PP.II.nr.170/18 e dt. 05.02.2018, dhe pas leximit të aktakuzës, i pandehuri deklaroi se e ka kuptuar aktakuzën dhe veprën penale e cila i vihet në barrë, duke shtuar se e pranon fajësinë për kryerjen e kësaj vepre penale. Në mbrojtjen e tij ka theksuar se është i gjendjes shumë të dobët ekonomike, mban familjen njëmbëdhjetë anëtarësh me pensionin prej 75 €, djemtë e tij nganjëherë punojnë gjatë sezonit të verës, e kjo mjafton vetëm të mos mbetet e uritur familja, do të përpiqet që t'ia kthej borxhin KEDS-it, përderisa qëllimi i tij nuk ka qenë t'i shmanget pagesës, do të mundohet që me KEDS-in të lidhë kontratë në mënyrë që ata t'ia mundësojnë pagesën në disa këste.*

*Në seancën e parë fillestare dhe publike, gjykatësja e vetme gjykuese mori Aktvendim me të cilin aprovoi pranimin e fajësisë, pasi që ka konstatuar se për këtë gjë janë plotësuar të gjitha kushtet ligjore. Gjykatësja e vetme ka konstatuar se i pandehuri e ka kuptuar natyrën dhe pasojat e pranimit të fajësisë; se pranimi është bërë me vullnetin e tij, se pranimi i fajësisë përmban të gjitha faktet të cilat i përmban aktakuza dhe se aktakuza nuk përmban asnjë të metë ligjore apo gabime faktike.*

*Konform kësaj, gjykatësja e vetme gjykuese vërtetoi gjendjen faktike si vijon:*

*- se i pandehuri e ka kryer veprën penale vjedhja e shërbimeve komunale nga neni 320 lidhur me nenin 81 KPRK, në kohën, vendin dhe mënyrën e përshkruar në dispozitiv të Aktgjykimit.*

*Sipas nenit 320 KPRK parashihet: “Kushdo që merr, përdor, devijon, nxjerr ose përfiton nga ndonjë shërbim komunal që furnizohet nga ose përmes rrjetit përçues të rrymës apo rrjetit të shpërndarjes, pa autorizimin e furnizuesit të autorizuar, dënohet me gjobë dhe me burgim deri në tre (3) vjet”.*

*Në bazë të cekurave të mësipërme, gjykata vendosi që të akuzuarin të shpallë fajtor për kryerjen e veprës penale, pasi që në veprimet e të njëjtit janë të përmbajtura të gjitha elementet e veprës penale dhe se për këtë është penalisht përgjegjës.*

*Në bazë të nenit 73 dhe 74 KPRK me rastin e shqiptimit të dënimit kundër të pandehurit, gjyqtarja e vetme gjykuese mori parasysh të gjitha rrethanat të cilat ndikojnë në llojin dhe lartësinë e dënimit, kështu që nga rrethanat lehtësuese gjykata për të pandehurin mori parasysh se është i gjendjes shumë të dobët ekonomike, se deri më sot nuk ka qenë i gjykuar dhe se i ka premtuar gjykatës se në të ardhmen nuk do të kryej çfarëdo lloji të veprës penale. Rrethana rënduese nuk ka pasur.*

*Sipas bindjes së gjyqtares së vetme gjykuese dënimi kumulativ i shqiptuar kundër të pandehurit është i drejtë, në harmoni me peshën e veprës penale dhe shkallën e përgjegjesisë penale të pandehurit.*

*Gjyqtarja e vetme gjykuese konstatoi se me këtë lloj të dënimit do të arrihet qëllimi i ndëshkimit nga neni 41 KPRK që i pandehuri në të ardhmen të mos kryej vepra tjera penale, t'i parandaloj personat tjerë në kryerjen e veprave penale dhe të paraqes gjykimin shoqëror për veprën penale, të rris moralin dhe fuqizoj obligimin për të respektuar ligjin.*

*Vendimi mbi shpenzimet e procedurës penale është marr në bazë të nenit 453 KPRK.*

*Nga të cekurat e mësipërme është vendosur si në dispozitiv të këtij Aktgjykimi.*

**GJYKATA THEMELORE NË GJILAN**  
**DEPARTAMENTI I PËRGJITHSHËM**  
*P.nr.150/2018 më dt.18.04.2018*

**Sekretarja juridike,**  
*Suzana Kovaçeviq, d.v.*

**Gjyqtarja e vetme gjykuese,**  
*Snezhana Mihajloviq, d.v.*

**UDHËZIMI JURIDIK:** *Kundër këtij Aktgjykimi është e lejuar ankesa Gjykatës së Apelit në Prishtinë – Departamenti i Përgjithshëm, në afat prej 15 ditësh nga dita e pranimimit të njëjtit. Ankesa në dy kopje dorëzohet përmes kësaj gjykate.*

**Përktheu –**  
*Naile Keçmezi*



